



17026

I

Mag. St. Dr.

P

sius

vinct

D. Ch. F. C. Ch. Faustum omen Patriae gra-
tulantis Illmo Januarius de Lohessho
Festicoeio.

P. A. T. G. et VITAE

Polon. 4^e

M. 1049.



FAVSTVM
OMEN

PATRIÆ GRATVLANTIS

ILLVSTRISSIMO

IANVSSIO DE LOHOJSKO

TISKIEVICIO

PALATINO GEN. I KIROVIÆ,

BIBLIOTH. VNI. Zitomirien. Ec. Ec.

Capitaneo.



AGELLONIA



LVELINI, Typis Pauli Conradi, A. D. 1631.

*In Arma antiquissimæ TYSKIEVI-
CIANÆ Prosapia.*



Quid tibi magna Domus Phario cum Sidere? Quid cum
Nocturna sidus dissociante face?
Nec Cæli cælos pariunt, nec sidera sidus
Tu semper Patriæ Lumina summa paris
Quid mirum? Omnipotens omni cum sidere Lunam
Dispulit in vacuos, & sine prole choros
Marte tuo, merito Patriæ de munere, natum est
Luna suo prægnans sidere, Stemma tibi.

17026 I. ♀(*)♂

EPISTOLA DE- DICATORIA.

Magnos magna decent, Magnus es
Illu^{me} TYSKIEVICZ quin imo o-
mni magno maior, cuius Magnanimitas
magnæ Heroicæ virtutes, magnum pe-
tunt Olympum, nec leui mensurant calamo,
nisi Homericos aut Liuianos manes pro-
uocare, illorumq; genio utiliceat; at sæpe
fit ut magni paruis oblectentur, nec semper
Aquila Phasianos quærat, turdis sæpius a-
ut columbis contenta; Non paruum sed exi-
guum tibi Magno Senatori Xenium offer-
tur, magno tamen profectum animo & af-
fectu, quod si tuis celsissimis honoribus ac di-
gnitatibus impar, pro ut certo est, æqui bo-
nique consule, & affectum offerentis lau-
da, diu interim feliciterque vale tuorum
non immemor.

Illustrissimæ Celsitudinis tuæ

Addictissimus seruus.

D. CH. F. C. L.

TAndem aliquando Centocullus ille
 Deitatis Triumviratus Diuino suo
 pellustrauit ocello, florentissimas
 quondam, at nunc labentes & variis cala-
 mitatum procellis obrutas ac naufragantes,
 Sarmaticas oras; Tandem aliquando nu-
 merosa ac ponderosa sanctorum Patrono-
 rum Tutellarium ope & intercessione pro-
 pituari ac remediari afflicta Reipub: Po-
 lone, eiusq; incolis, per media salutifera, o-
 mniumq; votis ac suspiriis desideratissima
 proposuit; Illuxit sol rutilans, suisq; ruti-
 lantibus radiis tenebrosas caligines disrup-
 pit, vt non sit difficile unicuiq; iustum ab
 iniusto, æquum ab iniquo, honestum ab in-
 honesto, salubre ab insalubri, probum ab
 improbo, clarum ab obscuro, discernere; Il-
 luxit sol felici diademate IANVS S II
 TISKIEVICII corruscans, iustitia, pieta-
 te erga Patriam, magnanimitate, pruden-
 tia, dexteritate, probitate, fortitudine,
 candore, liberalitate, tanquam rutilanti-
 bus

bus ac candidissimis stellis adornatus; ful-
gent tecta Patria, gaudent Russiadum
Prouincia, gratulantur Pokutienses campi,
florent deserta prata, totum acclamat Re-
gnum Magnanimo expugnatori, felici
triumphatori, prudentissimo Senatori;
Quid enim sperare debuit quod non potuit,
orbatum illis non minus fortissimis quàm
sapientissimis piæ memoriæ Tarnouiis,
Zamosciis, Chodkieuiciis, Chmieleciis;
quorum animi tanquam Delphica oracu-
la, pectora tanquam murus athenneus, ma-
nus tanquam scutum ferreum undiquaque
consilio dexteritate, armis, uniuersam
Rempub: Regem, Incolas, ab omnibus ho-
stium impetibus vindicabant? nisi fausto o-
mine refugium fecisset ad consimilem præ-
dictarum virtutum plantatorem, veram
arborum concisarum propaginem IANVS-
SIVM TISKIEVICIVM, hereditarium
fortissimorum ac bellicosissimorum Ducum
& Heroum successorem, qui ut ab Atauis
¶ Proa-

Et Proavis, ante tot ætates in Illustri
sua Prosapia Stemmata clara recepit, e-
xempla vetustissima admiratus est, virtu-
tis ac probitatis immortalem famam ap-
prehendit, honoris ac dignitatis incremen-
ta Toga Sagoque conspexit, ita Et ipse enu-
trit lacte fortissimorum Parentum, edu-
catus in domicillio virtutum ac probitatis,
dedicatus Patriæ Et Reipub: defendendæ,
omnes suos conatus, studium, vires, ani-
mum, fortunas, vitam denique ipsam eo
contulit, ut more MAIORVM suorum, quibus
nil fuit dulcius quàm pro Patriæ aris Et
focis fortiter dimicare omnesq; impetus ho-
stiles strenuè propulsare, Et ipse accenso ad
honoris Et gloriæ coronam animo Athlanti-
cis humeris Rempub: Polonam, eiusq; amo-
lumenta fulciret, foueret, firmaret. Quam-
primum enim animum Musis sacratum à
scholasticis lucubrationibus, (ubi prima ie-
cit fundamenta amoris Et studij erga Pa-
triam) abduceret, eum cum summo feruore

re

re Marti deuouit, ut ingruente tempestate
fluctuantibus procellis resisteret, secundis
autē ventis Patriā exornaret; testantur hoc
inprimis laboriosissima Moschouitica expe-
ditiones, quibus prima tyrocinnia studij mi-
litaris dedicauit, ubi adolescentuline an vi-
ri in adolescentia res gestas miraberis? Non
fuit graue nec molestū in deliciis educato, a-
spiciorem fortunam sequi, omnibusque inle-
mentiis celi sese exponere, non ventus non
imber, non aestus, non frigus, non fames, non
fritis, non denique acutissima hostis feroci-
entis spicula, non gladius hostilis aut tonan-
tia tormenta, ingenti flamma horrida, ter-
ruerunt; ruebat in aduersum animosissi-
mus contemptor non minus hostis quam vi-
tæ propriae, nec quenquam sibi præripere
palmam permisit, siue in excubiis agendis,
siue in aggrediendo hoste, siue in expugnandis
manibus Arcium opulentissimarum, ac
Ciuitatum munitissimarum, fremebat stre-
pitus armorum in congressu, personabant
aures

aures clangore tubarum & tympanorum,
attreſtabantur ungulis equorum tot cadaue-
ra humi proſtrata, increbruerunt circa ca-
put fragmenta haſtarum, volitabant ſul-
furei globi per medias Acies, dulce fuit hoc
ſpectaculum animoſiſſimo Adoleſcentulo,
dulcior & ipſe campus ludi Martialis in
quo ut licuit ita libuit experiri artem luſo-
riam, ducere militares choros, agere nu-
meroſiſſima agmina, trudere ornatiffimas
cohortes, vibrare gladium, mouere agilem
dexteram, fundere hoſtilem ſanguinem, nec
deſerere cruenta prata, niſi ſitibunda cruo-
re repleret, victricemque corollam trium-
phatori Regi afferret; non ſecus ac ille
quondam felix nominatus Octauius Au-
guſtus cui propter ſingularem indu-
ſtriam quadricennalis Toga militaris Romæ
oblata fuit. Talis erat prima de poſitio tyro-
cinij militaris Ill^{mi} IANVSSII TYSKIE-
VICII, talis feruor defendendæ & propa-
gandæ Patriæ, quem in dies & horas ac-
cende-

B

cendebat; maioresq; occasiones præstolaba-
tur bene merendi de re militari, Repub: &
Regno; vsq; tandem reuersus ad Patrium
solum, terribiles Tartarorum turmas, tur-
bam ferocissimorum hominum indomitam,
depredatores vitæ fortunarumq; vniuersæ
Gentis Polonæ, sors detulit, exercitiumque
militare pro diuersitate personarum diuer-
sum à priori indixit, vt variis instructi-
onibus aptaret animum militantis pro defen-
sione Patriæ, hostiumque profligatione; ag-
greditur & hoc intrepidus nec saltim igni-
tos ictus excipit, sed & sagittas acutas,
lanceas rostratas, cæstus ponderosos, va-
riaq; pro more gentis barbaræ armorum ge-
nera, ubi equorum nè an hominum impetus
ferocientes admirare liceat? non facile oc-
currit, satius equum pernicem scandere,
inuasoribus sese opponere, per Campos Mar-
tios decurrere, insultus reprimere, Acies
hostiles igne & ferro impetere, fugare, nec
à ceptis desistere, nisi liceat & profugos
per-

*persequi. Successit feliciter negotium nec
quidquam intercessit quod salutare cona-
tus disrumperet, progreditur igitur ad ma-
iora nec ullam deserit occasionem. Oc-
currit post Expeditio generalis in præsenta
Supremi Exercituum Ducis, magnaq;
Senatorum Magnatum & Militum fre-
quentia ad campum Orinensem, quo
innumerabilis, nec oculis comprehensibilis
grex barbara ac Tyrannica ferarum more
confluit, horridumque spectaculum oculis
omnium inducit, pharetras aptat, arcus
subleuat, sagittas acuit, gladio seuaginat,
Exercitum inuadit, Acies confundit; Quis
sicut hic? alacrius progreditur, velocius ac-
currit, animosius instat, fortius contendit,
nec palestram deserit, nisi hostis atrox co-
natus suos reuocaret suasq; procederet vias.
Subsequitur deinde sequenti Anno, eiusdem
efferae gentis crudelis machinatio, ac fere
vniuersalis Tartarorum collectio permixta
Othomanicis legionibus; locus assignatur in*

campis Cecoriensibus, signa dantur præuia,
classicum canit hostis, nec recedere autu-
mat, nisi saciata crudelitate ac libidine;
committitur negotium tanquam arduum
Generali Exercituum Duci, simulque &
campiductori, conuocantur numerosæ acies
Magnatum & lectissimorum militum, tra-
ctatur de reprimendo impetu hostium, eiusq;
si Deus & fortuna concesserit subiugatione,
progrediuntur ad campos Cecorienses lo-
cum sui prælij assignatum, ante omnes emi-
cat Ill^{mus} IANVSIVS TISKIEVICIVS
stipatus magna suorum ære proprio condu-
ctorum Militum caterua, frontem Exerci-
tus petit, dumque iam hostis appropinqua-
ret Castris, & iam per legem militiæ ma-
nus soluuntur ad conferendum cum hoste,
euolat ante alios, offert se alacriter hosti,
proponit cruentum duellum, euocat crista-
tos Soltanos, decurrit circum Agmina ob-
uia, minatur forti dextera, Arma armis
prouocat, iamque appropinquante æmulo,
for-

fortiter decertat, pulsat tyaras, deponit capita, disrumpit ceruices, dilacerat pectora, tandem variis ac creberrimis ictibus defatigatus, redit ouans ad Patria Castra, felix auspiciū asserens Duci suo; durauit per aliquot dies hæc Martis non ingrata lubricatio, cui iucundum fuit sese immiscere, nec ullam occasionem deserere, usque dum Generalis congressus totius Exercitus cum hoste intimaretur, quem dum non inuito conatu prosequuntur omnes, fortiq; concusso pectore miscent arma & dextras, persundunt copiosum sanguinem, sternunt cadaueribus prata, iamque fere victrices triumphare incipiunt, ecce aduersa fortuna iecit tella in contrarium, confunditque ut consilia ita & arma, inprimis enim cohortes Valachiæ in subsidium aduersus Tartaros coniuratae, nutant, quosque persequi statuerunt, eos auxiliis fulciunt, perfidiæ suæ morem gerentes, omnemque suam rabiem cum ferociente hoste in Acies Regias effundunt.

Oriuntur post dissensiones inter Militem
in Castris ita ut omnes in confusionem eant,
eluduntur Duces à milite, contemnitur di-
sciplina Militaris, unusquisque spoliū
non victoriā querit, plerique fugam pro-
ponunt, non Dominus à seruo tutus, non
Dux à Milite; Sic Deus Ter Optimus
Maximus ultor ac vindex omnis iniusti-
tiae, ut posteritati insolentiae militaris e-
xemplar detestabile relinqueret, horrendo-
que supplicio scelestos (puniret, ne amplius
quod nunquam fuit, tale crimen in Castris
renascatur,) accendit feruorem in cordibus
hostium, animosq; feroces inflammat ad
opprimendum & delendum Exercitum
Regni Poloniae, ubi & ipse Dux Exerci-
tuum Zotkicius (sepius enim & insontes
cum peccatoribus Deus punit) in medio
armorum strepitu fortiter occubuit, &
Campiductor cum plerisq; Magnatum, ho-
stium manibus traditur, cum quibus proxi-
mus Ducum Ill^{mus} LANVSSIVS TI-

SKIEVICIUS belli cladisq; socius cui dulce
fuit pro Patria non solum dimicare, sed &
vincula pati, ut assuesceret omnibus fortu-
næ aduersitatibus in defendenda Repub:
maiorique gloria pro meritis accumulare-
tur, nec satis fuit tunc perdere sumptuosissi-
mos apparatus bellicos ipsumque militem
magno ære conductum tum & vitam tra-
dere in discrimen hosti, quin etiam & ma-
gnam opum vim consumere, tractando de
radimenda vita & reditu in dulce solum
Patriæ; dumque iam concluderetur de præ-
cio; offeruntur tot auri talenta, moniliaque
pretiosa, non tam amore viuendi quam stu-
dio defendendæ & promouendæ Reipub.
fortunauit Deus salutare propositum, quod
enim aliis ne cogitare quidem concessum,
aliis vix ad possibilitatem redactum, hoc
Ill^{us} Heros felici ac facili conatu obtinuit,
redit igitur letus ad Patrios Lares, primūq;
verè Christiani hominis officium exoluit,
Phana adit, sacrificia Deo offert, vota red-
dit,

dit, nec unquam se recessurum à fide Catholica, eiusque vigilantì custodìa promittit. Vix licuit Patria lustrare tecta dareque dulces amplexus expectantibus amicis ac consanguineis, ecce iterum exoritur turbo, insurgunt tempestates toti Regno inimicæ, intimatur cruentum negotium non iam cum effera grege Tartarorum, sed cum uniuersa Othomanica gente, ipsoque protunc Imperatore Osmano, qui proposuit & firmiter constituit vastissimum Poloniæ Regnum, igne & ferro absumere, templa profanare, sacrificos enecare, omnes omnium Prouinciarum Regni homines potestati suæ subiugare, nec amplius in suum reuerti Imperium nisi satis fecerit suo desiderio: ubi simul conuocat undiquaque præsidia, congregat Acies instructissimas tot centena millia Equitum peditumque, tot machinas bellicas, tot Camellos oneratos, tot Elephantes horridos, iamque pedem mouet ad confines oras versus Chocimum, certamq; spem
con-

concepit, se non armis sed terrore expugnaturum intrepidas classes Polonorum, cum ecce Deus Ter Optimus, miseratus ab alto cladis præterita, tanquam supremus Protector Ecclesiæ suorumque ministrorum, erigit animos Gentis Polonæ, accendit feruorem, ordinat consilia, disperdit metus, congregat copias, ita ut exiguo tempore, numerosa bellicosissimorum hominum caterua, cum omni apparatu bellico conuolauerit. Ducibusq̃ suis, ad id negotium expediendum ordinatis, fidelitatem, obedientiam, & usque ad extremum vitæ perseuerantiam iurauerit; Procedunt Dei auxilio implorato animosissimi Duces, cum suo Exercitu, Præsidente fortissimo Carolo Chodkiewiczio, Locum tenente Illustrissimo Stanislao Lubomierski, cum quibus à latere Illustrissimus IANVSSIVS TISKIEVICIVS, Comes laboris & consilij, Castra locant, Acies ordinant, tormenta bellica disponunt, iamque hoste appropinquante, prænuncios

C

salu=

salutis aptant, hinc Vulcanos fulmina ia-
cientes, illic Mezentios hastatos & galea-
tos, quorum primas Illustrissimus TISKIE-
VICIVS occupat, primusq; suam cruentam
scenam expedire contendit, nec sic desistunt
variis concertationibus ludere cum hoste,
vsque diurnis nocturnisq; vigiliis defatiga-
tus, amissis tot Exercitus sui cohortibus,
spe quam firmissimè conceperat frustratus,
postposito desiderio regnandi legeque con-
dendi Polonis, fastu superbo demisso, insti-
tuit tractare de pace, deputavitq; suos inter-
nuncios, quorum fidei commisit negotium
pacis instituende in perpetuum, cum omni-
moda obligatione Posteritatis suæ. Cessa-
runt Arma, successit Pax, omnibus deside-
ratissima, Pax illa, quam vix ullus spera-
re potuit, considerans, vires apparatus co-
pias, potentias Turcicas, quibus baud possi-
bile fuit resistere, nisi Deus Ter Optimus
rem gessisset pro suis, ipseque superbis restitisset
Machmetanis, cui soli sit laus & gloria
per

per omne seculum. Iamq; concordēs rede-
unt, ad Patrios focos Deo eiusque sanctis
Cælibus vota reddituri, ubi deuotio ho-
ste immanissimo pollicetur sibi aurea secu-
la pæcis & tranquillitatis, & sane iure me-
rito, quod enim caret alterna requie dura-
bile non est, iam satis laboris ac doloris in-
sumptum est, expedit quiescere & vires
collapsas resumere; Expedit sane quie-
scere nisi insolentia nostra impediret, quæ
tempore pæcis sentire consuevit, Prospiciens
itaque summus Speculator frænandæ mali-
gnitæti hominum licentiosorum, ne virus
illorum more Scorpionum in ipsosmet ser-
pat, permittit Gustauum Adolphum Prin-
cipem Sudermanicum grassari, nec saltem
Liuioniã, eiusq; munitissimas ac opulentissi-
mas Ciuitates apprehendere, sed & floren-
tissimum quondam Prussie Ducatum, inua-
dere, deprædari, possidere, ad cuius furo-
rem reprimendũ, dum parantur copię,
conuocantur præsidia, ecce iterum Tarta-

rorum fera colluies inuadendo fines Ducatus
Russie, distrahit vires, iubetque para-
re arma, & quos iam durum necessitatis
tellum trahebat inreprimendam Gustavi-
anam libidinem, hos barbara crudelitas
Tartarorum reuocauit, iussitque Patrios
Pœnnates defendere; inter alias committit-
tur negotium & Illustrissimo TISKIEVICIO,
cuius dexteritas omnibus satis probata, &
ipso hosti formidabilis; nec sine lucro loca-
tur spes in virtute fortissimi Herois; quam
primum enim Inuasores furibundi flammæ
& tella iniecerunt in tecta Polona ubi iam
transgressi sunt limites suos, & debachari
ceperunt per Prouincias Regni, furit & il-
le in hostem, vnaque cum aliis deductis co-
piis propriis occurrit Inuasoribus, prædam
lucratur, confundit agmina, iectas spargit,
sanguinem fundit, pœnas scelestis infligit,
ipsiq; Cantimiro iuniori, filio supremi Du-
ctoris, Exercitus hostilis, & præfecto cer-
tarum legionum, capite auulso, felix de ho-
ste

ste triumphat ac Serenissimo Regi Victori
& Triumphatori fortunatissimo defert,
concluditque in perpetuum terrorem in ani-
mis hostium, ne unquam præsumant ausus
suos crudeles promouere in Regnum eiusq;
diuiones. Per tot talesque gradus decur-
rit Virtus Illustrissimi IANVSII TI-
SKIEVICII ad apicem honoris & dignita-
tis, antequam insigniretur laurea trium-
phali, & Toga pacis ac consilij, nimirum
Generali Palatinatu Kijouiensi: O uti-
nam tales producat filios Mater Polonia,
talibusq; imbuet moribus omnes. Pro meri-
tis tuis Illustrissime TISKIEVICZ non
Laureum sed Aureum diadema Capiti tuo
imponit tibi Patria tua, inscribitq; titulum
FAVSTI OMNIS adamanteis literis. Tu es
quem expectarunt sæcula longa, verum
Reipub. Amatorem, zelozum Religionis
defensorem, clementem oppressorum libera-
torem, prudentem Senatorem, fortem ho-
stium expugnatorem, vigilantem pacis
confer-

conseruatorem, secundum iustitiæ propa-
gatorem; Tu Superbum Turcam hu-
miliabis, furibundum Gætam frenabis,
licentiosos Cosacos domabis, crudelem
Moschum subiugabis, audacem Gustauum
fugabis, oppressam Liunioniam & Prussiam
liberabis, pacem & tranquillitatem in v-
niuerso Regno conseruabis, actandem im-
mortalitatis Coronam possidebis; Ergo sæ-
lix vale & diu viue Regno, Ecclesie
Reipublicæ, Amicis, omnibusq;
Regnicolis.

Philippus Elector Palatinus



alter



